

Prijava za vakcinaciju/cijepljenje protiv koronavirusa u Pokrajini Salzburg

Od 15. februara/veljače mogu se u Salzburgu sve osobe starije od 16 godina online ili telefonskim putem unaprijed registrirati za vakcinaciju/cijepljenje protiv koronavirusa.

Vrijeme prijave ne utiče na termin vakcinacije jer Pokrajina Salzburg ovdje postupa prema austrijskom planu vakcinisanja/cijepljenja. Čim vakcina/cjepivo bude dostupno, svaka registrirana osoba bit će aktivno informisana o tome. Zbog trenutno vrlo ograničene raspoloživosti doza za vakcinisanje/cijepljenje, to može potrajati neko vrijeme.

„Molimo Vas za strpljenje u tom pogledu, jer najugroženije grupe imaju i dalje apsolutni prioritet. Vakcinacija pruža najbolju moguću zaštitu od teškog toka kovid oboljenja, pa je dužnost nas ljekara/liječnika da taj aspekt uzmemo u obzir prilikom određivanja redoslijeda vakcinacije - drugim riječima, da rasteretimo zdravstveni sistem i spasimo živote“, naglašava koordinator za vakcinacije Pokrajine Salzburg, Dr. Robert Sollak.

Predregistracija za rizične grupe

Osobe koje imaju određena predoboljenja i prema tome spadaju u neku rizičnu grupu, mogu se takođe od 15. februara/veljače unaprijed registrirati putem dežurne zdravstvene telefonske linije 1450 ili online na stranici www.salzburg-impft.at. Prilikom registracije treba se označiti ili navesti određeno oboljenje. Ljekaru/liječniku koji će izvršiti vakcinaciju treba se zatim predočiti odgovarajuća ljekarska potvrda. Ako ćete se vakcinisati/cijepiti kod ljekara/liječnika kod kojeg se liječite i koji je upoznat s Vašim oboljenjima, nema potrebe da predočite takvu ljekarsku potvrdu.

Podaci i činjenice za predregistraciju

- Od 15. februara/veljače za sve osobe u Salzburgu starije od 16 godina
- Telefonskim putem preko dežurne zdravstvene telefonske linije 1450
- Online na stranici www.salzburg-impft.at
- Potvrda o prijavi dobiva se putem SMS-a, e-mailom ili pismom
- Nije potrebna dvostruka prijava
- Datum prijave ne utiče na termin vakcinacije
- Termin se dodjeljuje prema prioritizaciji Nacionalnog tijela za imunizaciju
- Aktivno obavješćavanje o terminu za vakcinaciju kada vakcina/cjepivo bude dostupno